



Minggu, 12 Januari 2025
Ogen: Johanes 1:14; 14:16



Pustaka Si Badia Naksiken Kebenaren Dibata



Kebenaren jadi sada sukat-sukat si la banci lang i bas kegeluhen enda. Kebenaren si kekal, sabap megati kebenaran enda enggo jadi relatif, tergantung ise ngatakenca, i ja inganna dengen ise si meg i ras ngalokenca. Si salah pe enggo tempa benar adi enterem kalak si erpekat dengen si ersada ukur e ergegegh, erkuasa ras melala duitna. E maka kai pe banci iputarbalikken sue ras kepentingan kelompok ntah sesekalak jelma.

E maka perlu kal kebenaran si sejati tetap igelem ras ipelajari dengen imomoken nandangi nterem jelma. Bage me Dibata tetap ersura-sura nuriken ras nehken kebenaran Dibata. Anak Dibata si enggo tubuh ku doni enda me si nuduhkan ras ncidahkan kebenaran Dibata. IA me Anak Dibata si ringan i tengah-tengah doni enda jadi kebenaran si tuhu-tuhu. Alu bage kerina kata si ibelaskenNa jadi kebenaran. IA me dalan e seh maka kerina si tek man baNa ibenarken dengen iatanken ndahi Dibata dengen ngaloken kiniulinna. Kerina e isuratken i bas Pustaka Si Badia, i je me isaksiken kerna kebenaran Dibata secara umum bagi si ituriken i bas konfesi GBKP. Pustaka Si Badia e kebenaran Dibata sabap i je kerina tersurat perbahanen-perbahanen Dibata si mbelin ras sura-suraNa lako nelamatkan doni enda ras isina kerina. Keselamatan e ipetangkas i bas Jesus Kristus, Kata Dibata si nggeluh.

Enda me si mabai manusia nandai Dibata, meteh kebenaranNa e, sabap la terjeng pedah ras kata si isuratken nabi-nabi tapi IA jine reh ncindahken dengen jadi kebenaran e. Alu bage arus kepe kita tetap erlajar, ngguru, ngoge Pustaka Si Badia alu bage geluhta ndalaken sura-sura Dibata. La banci kita ijolah joleken erbage pengajaren si mabai kita ku bas kebenaran si menurut sebagin kalak. Kita enggo meteh ras nggelem kebenaran Dibata dengen e me sidalanken kita i bas kegeluhenta.